



Prestur: Sr. Elínborg Gísladóttir
Söngur: Arney Ingibjörg Sigurbjörnsdóttir
Kór: Kór Grindavíkurkirkju
Organisti: Kristján Hrannar Pálsson
Umsjón útfarar: Útfararþjónusta Suðurnesja

Aðstandendur þakka auðsýnda samúð og hlýhug
og bjóða til erfidrykkju í Gjánni að athöfn lokinni.



Birna Óladóttir

Fædd: 12. júlí 1941
Dáin: 23. september 2025



Útför frá Grindavíkurkirkju föstudaginn 10. október 2025

Forspil

Signing & Bæn

Hærra, minn Guð, til þín,
hærra til þín,
enda þótt öll sé kross
upphefðin mín.
Hljóma skal harpan mín:
;: Hærra, minn Guð, til þín, ;:
hærra til þín.

Sofanda sýndu þá
sólstigans braut
upp í þitt eilífa
alföðurskaut.
Hljómi svo harpan mín:
;: Hærra, minn Guð, til þín, ;:
hærra til þín.

Lyfti mér langt í hæð
lukkunnar hjól,
hátt yfir stund og stað,
stjörnur og sól,
hljómi samt harpan mín:
;: Hærra, minn Guð, til þín, ;:
hærra til þín.

Matthías Jochumsson / Adams

Ritningarlestur

Dag í senn, eitt andartak í einu,
eilíf náð þín, faðir, gefur mér.
Mun ég þurfa þá að kvíða neinu,
þegar Guð minn fyrir öllu sér?
Hann sem miðlar mér af gæsku sinni
minna daga skammti af sæld og þraut,
sér til þess, að færa leið ég finni
fyrir skrefið hvert á lífs míns braut.

Guð, ég fæ af fyrirheitum þínum
frið og styrk, sem ekkert buga má.
Auk mér trú og haltu huga mínum
helgum lífsins vegi þínum á,
svo að ég af hjartabeli hreinu,
hvað sem mætir, geti átt með þér
daginn hvern, eitt andartak í einu,
uns til þín í ljóssins heim ég fer.

Sigurbjörn Einarsson / Lína Sandell-Berg

Ritningarlestur

Heyr mína bæn, mildasti blær,
berðu kveðju mína' yfir höf,
syngdu honum saknaðarljóð.
Vanga hans blítt vermir þú sól
vörum mjúkum kysstu hans brá,
ástarorð hvísla mér frá.

Syngið þið fuglar, ykkar fegursta ljóðaval.
Flytjið honum, í indælum óði, ástarljóð mitt.

Heyr mína bæn, bára við strönd,
blítt þú vaggar honum við barm,
þar til svefninn sígur á brá.
Draumheimi í dveljum við þá,
daga langa, saman tvö ein,
heyrrá mínar bænir og þrá.
Ólafur Gaukur / Nicola Salerno

Guðspjall

Ég man

Arney Ingibjörg Sigurbjörnsdóttir / Hjörleifur Þór Waagfjörð

Minningarorð

Er völlum grær og vetur flýr
og vermir sólin grund
kem ég heim og hitti þig.
Verð hjá þér alla stund.

Við byggjum saman bæ í sveit
sem blasir móti sól
þar ungu lífi landið mitt
mun ljá og veita skjól.

Sól slær silfri á voga
sjáðu jökulinn loga
Allt er bjart fyrir okkur tveim
Því ég er kominn heim.

Að ferðalokum finn ég þig
sem mér fagnar höndum tveim
Ég er kominn heim
já ég er kominn heim.

Jón Sigurðsson / Emmerich Kálmán

Bæn

Segðu mér söguna aftur

Höfundur óþekktur

Faðir vor

Í bljúgri bæn og þökk til þín,
sem þekkir mig og verkin mín.
Ég leita þín, Guð leiddu mig
og lýstu mér um ævistig.

Ég reika oft á rangri leið,
sú rétta virðist aldrei greið.
Ég geri margt, sem miður fer,
og man svo sjaldan eftir þér.

Sú ein er bæn í brjósti mér,
ég betur kunni þjóna þér,
því veit mér feta veginn þinn,
að verðir þú æ Drottinn minn.

Pétur Þórarinsson / Amerískt þjóðlag

Moldun

Allt eins og blómstrið eina
upp vex á sléttri grund
fagurt með frjóvgun hreina
fyrst um dags morgunstund,
á snöggu augabragði
af skorið verður fljótt,
lit og blöð niður lagði, -
líf mannlegt endar skjótt.

Ég lifi' í Jesú nafni,
í Jesú nafni' eg dey,
þó heilsa' og líf mér hafni,
hræðist ég dauðann ei.
Dauði, ég óttast eigi
afl þitt né valdið gilt,
í Kristí krafti' eg segi:
Kom þú sæll, þá þú vilt.

Hallgrímur Pétursson

/ Antwerpen 1540 / Breytt 1840

Blessun

Kveðjustund

Sigurbjörn Daði Dagbjartsson

Eftirspil